

# SI FUNKSIONON TRAJNIMI PROFESIONAL NË GJERMANI?

Ju dëshironi ta mësoni një profesion në Gjermani? Këtu do të gjeni disa informacione të rëndësishme rreth trajnimit profesional në Gjermani.



## A MUND TA BËJ NJË TRAJNIM PROFESIONAL NË GJERMANI? ÇFARË KUALIFIKIME JANË TË NEVOJSHME?

Çdo kompani vendos vet se cilat kualifikime duhet t'i ketë aplikuesi për një vend trajnimi profesional. Si rregull vlen: Një diplomë shkolle, notat e mira dhe njohuritë e mira të gjuhës gjermane janë të rëndësishme. Për një trajnim profesional ju nevojitet të paktën një diplomë e shkollës së mesme të ulët. Pa një diplomë shkolle është shumë vështirë ta gesh një vend trajnimi profesional.

**KAM KRYER TË PAKTËN SHKOLLËN E MESME TË ULËT NË GJERMANI (HAUPTSCHULE)**

JO

**KAM NJË DIPLOMË SHKOLLE TË HUAJ**

JO

**ENDE NUK E CAM KRYER SHKOLLËN**

PO

### "QUALI"

Në disa Lande lëshohen edhe diploma të kualifikuara për përfundimin e shkollës së mesme të ulët. Kush e jep një provim kualifikues në fund të klasës së 9-të e merr këtë lloj diplome. Provimi kualifikues nuk është i detyrueshëm, por kush e ka të kryer provimin kualifikues e gjen më lehtë një vend për trajnim profesional.

PO

**A CAM VENDOSUR TASHMË PËR NJË PROFESION?**

PO

## SI TA GJEJ NJË TRAJNIM PROFESIONAL TË PËRSHTATSHËM PËR MUA?

**Faqja e internetit Berufe TV e Agjencisë së Punësimit** • Video mbi trajnimet profesionale, nga A deri në Z në [www.berufe.tv](http://www.berufe.tv)

**Berufenet (Agjencia e Punësimit)** • Informacione mbi trajnimet profesionale dhe profesionet me diplomë universiteti në [www.berufenet.arbeitsagentur.de](http://www.berufenet.arbeitsagentur.de)

**Agjencia Federale e Punësimit** • Zyrën më të afërt për konsultim në qytetin tuaj e gjeni në [www.arbeitsagentur.de](http://www.arbeitsagentur.de)

**Make it in Germany** • Linja telefonike „Puna dhe jetesa në Gjermani” në [www.make-it-in-germany.com](http://www.make-it-in-germany.com)

### PRAKTIKA PROVUESE

Gjatë praktikës provuese ju punoni për disa ditë në një kompani dhe njiheni me punën. Informohuni p.sh. në Shërbimet për të rinjtë migruar ([www.jugendmigrationsdienste.de](http://www.jugendmigrationsdienste.de)) ose direkt në kompaninë ku dëshironi ta kryeni praktikën.

## GJETJA E NJË VENDI PËR TRAJNIM PROFESIONAL DHE APLIKIMI

**Agjencia Federale e Punësimit** • Këshilla personale për aplikimin dhe ndërmjetësimin e vendeve të lira, zyrën më të afërt e gjeni në [www.arbeitsagentur.de](http://www.arbeitsagentur.de)

Informacione dhe udhëzime për aplikim në [www.ausbildung.net](http://www.ausbildung.net), [www.arbeitsagentur.de](http://www.arbeitsagentur.de) dhe [www.planet-beruf.de](http://www.planet-beruf.de)

**Tregu i punësimit të agjencisë së punësimit** • Vende të lira për trajnim profesional mund të gjeni në [www.jobboerse.arbeitsagentur.de](http://www.jobboerse.arbeitsagentur.de)

**Shërbimet për të rinjtë migruar** • Këshilla personale në qytetin ku jetoni dhe përmes chat në [www.jugendmigrationsdienste.de](http://www.jugendmigrationsdienste.de)

### VIZA PËR KËRKIM PRAKTIKE

Ju mund të aplikoni për një vizë 6 mujore për të kërkuar një vend praktike. Kushtet: moshë deri 25 vjeç, njohuri të gjuhës gjermane në nivelin B2, një diplomë nga një shkollë gjermane jashtë vendit ose një diplomë e vlefshme për pranimin në universitet, si dhe vërtetimi i mbullimit të shpenzimeve të jetesës.

### AVANTAZHET PËRMES GJUHËS GJERMANE DHE GJUHËS AMTARE

Sa më mirë të flisni gjermanisht, aq më i suksesshëm do të jetë trajnimi juaj profesional. Mësimi në shkollën profesionale mbahet kryesisht në gjuhën gjermane dhe provimet janë të gjitha në gjermanisht. Gjuha e vendit prej nga vini ose gjuha juaj amtare gjithashtu mund t'ju japë avantazhe në tregun e punës, prandaj ia vlen t'i kultivoni ato në fushën profesionale!

### SISTEMI DUAL I TRAJNIMIT PROFESIONAL

Shumica e profesioneve gjatë trajnimit profesional mësohen në një sistem dual (të dyfishtë). Kjo do të thotë që mësimet zhvillohen nga njëra anë në vendin e punës (pjesa praktike) dhe nga ana tjetër në shkollën profesionale (pjesa teorike).

### TRAJNIMI VETËM NË SHKOLLË

Disa profesione gjatë trajnimit profesional mësohen vetëm në kolegje teknike ose në akademi profesionale. Këtu edhe pjesa praktike zhvillohet në shkollë.

### MBËSHETJE FINANCIARE

Nëse gjatë trajnimit tuaj nuk mund të jetoni tek prindërit tuaj, sepse për shembull shtëpia e prindërve është shumë larg nga kompania ku po kryeni praktikën, ju mund të aplikoni për ndihmën për aftësim profesional (BAB). Më shumë informacione gjeni në [www.arbeitsagentur.de](http://www.arbeitsagentur.de).

### KUALIFIKIMI PROFESIONAL

Trajnimi profesional përfundon pas 2 deri 3 viteve me provimin për marrjen e kualifikimit përkatës. Në profesionet zejtare pas provimit të kualifikimit për ndihmës-mjeshtër mund të bëhet një trajnim kualifikues për mjeshtër. Ky është një parakusht nëse doni të trajtoni çirakë më vonë në biznesin e tuaj.

### FILLIMI I KARRIERËS

Për ndihmë gjatë gjetjes së punës, mund të kontaktoni zyrat e lartpërmendura, si për shembull, Agjencinë Federale të Punësimit ose kontaktoni bursat e punës ose pyesni për vendet e lira të punës drejtpërdrejt te kompanitë.

### PËRSËRI NË SHKOLLË

Pas trajnimit ekziston edhe mundësia për ta kryer maturën e përgjithshme ose profesionale (p.sh. në kolegje profesionale) dhe për të studiuar. Një diplomë universiteti mund të përmirësojë shanset për të gjetur një punë që paguhet më mirë.

### TRAJNIMI I MËTUTJESHËM PROFESIONAL

Në shumë fusha ia vlen që gjatë punës të vazhdoni edhe me trajnime shtesë. Kështu i zhvillon më tej aftësitë tuaja profesionale dhe i përmirësoni shanset tuaja në tregun e punës. Një databazë gjithëpërfshirëse të ofruesve të trajnimit të mëtutjeshëm në Gjermani mund ta gjeni në [kursnet-finden.arbeitsagentur.de](http://kursnet-finden.arbeitsagentur.de)



Europäische Union



Ky projekt bashkëfinancohet nga Fondi për Azil, Migracion dhe Integrim